

**BOSNA I HERCEGOVINA
FEDERACIJA BOSNE I HERCEGOVINE
Federalna agencija za upravljanje oduzetom imovinom**

IZVJEŠTAJ

**O RADU I FINANSIJSKO - MATERIJALNOM POSLOVANJU
FEDERALNE AGENCIJE ZA UPRAVLJANJE ODUZETOM IMOVINOM
ZA PERIOD 01.01. – 30.06.2018. GODINE**

Sarajevo, juli/srpanj 2018. godine

S A D R Ž A J

1. UVOD	3
2. NADLEŽNOST AGENCIJE	4
3. RUKOVOĐENJE I ORGANIZACIJA AGENCIJE	5
3.1. Rukovođenje	5
3.2. Organizacija	6
4. STRATEŠKI CILJ - Povećanje učinkovitosti svih procesa koji su direktno ili indirektno vezani za proces upravljanja oduzetom imovinom u skladu sa legislativom i dobrom praksom Evropske unije	7
4.1. Operativni cilj 1 - Očuvanje vrijednosti privremeno oduzete imovine	8
4.2. Operativni cilj 2 – Učinkovito postupanje sa trajno oduzetom imovinom	16
4.3. Operativni cilj 3 – Provođenje analiza u području oduzimanja imovinske koristi pribavljene krivičnim djelom	22
4.4. Operativni cilj 4 – Unapređenje saradnje i koordinacije između Agencije, pravosudnih organa, policijskih agencija i drugih Institucija koje imaju obavezu da postupaju po odredbama Zakona, kao i drugih pravnih subjekata u Bosni i Hercegovini, te uspostavljanje i unapređenje saradnje sa istim ili sličnim agencijama iz zemalja regije i Evropske unije, kao i kontinuirana edukacija uposlenika navedenih institucija koji su direktno u vezi sa procesom oduzimanja nezakonito stečene imovinske koristi	25
4.5. Operativni cilj 5 – Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom	31
5. BUDŽET AGENCIJE	32
6. RAČUN POSEBNIH NAMJENA KOJIM UPRAVLJA AGENCIJA	33

Na osnovu člana 29. Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14), a u vezi sa čl. 17. i 18. Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br. 89/14 i 107/14), te Zaključka Vlade Federacije Bosne i Hercegovine o usvajanju Plana rada Federalne agencije za upravljanje oduzetom imovinom za 2018. godinu V. broj: 1765/2017 od 21.12.2017. godine, direktor Federalne agencije za upravljanje oduzetom imovinom Vladi Federacije Bosne i Hercegovine p o d n o s i

I Z V J E Š T A J

O RADU I FINANSIJSKO – MATERIJALNOM POSLOVANJU FEDERALNE AGENCIJE ZA UPRAVLJANJE ODUZETOM IMOVINOM ZA PERIOD 01.01 – 30.06.2018. GODINE

1. UVOD

Federalna agencija za upravljanje oduzetom imovinom (u dalnjem tekstu: Agencija) je nezavisna i samostalna upravna organizacija osnovana Zakonom o oduzimanju nezakonito stečene imovine krivičnim djelom („Službene novine Federacije BiH“, broj 71/14).

Propisi u Federaciji Bosne i Hercegovine koji definiraju ovu oblast, a samim tim utiču na rad Agencije, osim navedenog Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14 - u dalnjem tekstu: Zakon), su Krivični zakon Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05, 42/10, 42/11, 59/14, 76/14 i 46/16 i 75/17), Zakon o krivičnom postupku Federacije Bosne i Hercegovine („Službene novine Federacije BiH“, br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13 i 59/14), Zakon o izvršnom postupku Federacije Bosne i Hercegovine („Službene novine Federacije BiH“, br. 32/03, 52/03, 33/06, 39/06, 35/12 i 46/16) i Pravilnik o postupku prodaje, najma, čuvanja i održavanja oduzete imovine („Službene novine Federacije BiH“, broj 5/16).

Pitanja koja se odnose na izvršenje novčanih kazni, sankcija za privredne prestupe, prekršajnih sankcija i mjera sigurnosti, a koje nisu regulisane Zakonom o izvršenju krivičnih sankcija u Federaciji Bosne i Hercegovine („Službene novine Federacije BiH“, br. 44/98, 42/99, 12/09 i 42/11), uređena su kantonalnim zakonima.

Na osnovu navedenih zakona i podzakonskih akata, Agencija preuzima i upravlja oduzetom imovinom nezakonito stečenom krivičnim djelom.

Agencija je samostalna federalna upravna organizacija koja ima svojstvo pravnog lica.

Zakon je utvrdio da je sjedište Agencije u Sarajevu.

U okviru svoje nadležnosti Agencija ima javna ovlaštenja za donošenje podzakonskih akata kojima se uređuje način djelovanja Agencije, pa je na osnovu tog ovlaštenja Agencija donijela Odluku o utvrđivanju kriterija obračuna troškova

čuvanja i održavanja privremeno oduzete imovine („Službene novine Federacije BiH“, broj 60/16), Uputstvo o načinu provođenja postupka javnog nadmetanja prodaje trajno oduzete imovine („Službene novine Federacije BiH“, broj 57/16) i Uputstvo o uspostavi, vrsti i sadržaju evidencija o upravljanju i raspolaganju nezakonito stečenom imovinom krivičnim djelom („Službene novine Federacije BiH“, broj 2/17).

Na radnopravni status osoba zaposlenih u Agenciji primjenjuju se odredbe Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06 i 4/12) Zakona o namještenicima u Federaciji Bosne i Hercegovine („Službene novine Federacije BiH“, broj 49/05), Zakona o radu („Službene novine Federacije BiH“, broj 26/16) i Kolektivni ugovor za službenike organa uprave i sudske vlasti u Federaciji Bosne i Hercegovine (Službene novine Federacije BiH, br. 23/00, 50/00, 97/13, 18/16 i 89/16).

2. NADLEŽNOST AGENCIJE

Nadležnosti Agencije utvrđene su članom 30. Zakona i to:

- upravljanje privremeno oduzetom i oduzetom imovinom po odredbama Zakona i drugih zakona;
- provođenje analiza u području oduzimanja imovinske koristi pribavljene krivičnim djelom;
- stručna edukacija iz područja finansijskih istraživača i oduzimanja imovinske koristi pribavljene krivičnim djelom, i
- obavljanje i drugih poslova propisanih Zakonom.

Agencija u provođenju svojih nadležnosti obavlja sljedeće poslove:

- skladišti, čuva, prodaje, vrši najam imovine oduzete na osnovu Zakona. Ako za to postoji opravdana potreba, ovu imovinu Agencija može povjeriti na čuvanje drugoj instituciji o čemu se zaključuje poseban ugovor;
- vrši stručnu procjenu vrijednosti privremeno oduzete i oduzete imovine po odredbama ovog i drugih zakona;
- vodi evidencije o imovini kojom raspolaze i upravlja, sudskim postupcima u kojima se odlučuje o takvoj imovini;
- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, sa ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- prikuplja informacije iz sudskih registara, Porezne uprave, Registra vrijednosnih papira i drugih javnih registara koji se tiču vlasništva nad imovinom;
- vrši analize i procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- objavljuje redovne i godišnje izvještaje o stanju u oblasti oduzimanja imovinske koristi pribavljene krivičnim djelom, te ih dostavlja Vladi Federacije Bosne i Hercegovine (u daljem tekstu: Vlada Federacije) i Parlamentu Federacije Bosne i Hercegovine (u dalnjem tekstu: Parlament Federacije);

- obavještava Vladu Federacije i Parlament Federacije o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljenе krivičnim djelom;
- inicira i daje preporuke za unapređenje pravnih propisa u oblasti provođenja finansijskih istraživačkih postupaka i oduzimanja imovinske koristi pribavljenе krivičnim djelom;
- sačinjava prijedlog Strategije za oduzimanje imovinske koristi pribavljenе krivičnim djelom u Federaciji Bosne i Hercegovine (u dalnjem tekstu: Strategija) i Akcionog plana za njeno izvršenje, te ih upućuje Vladi Federacije i Parlamentu Federacije na usvajanje;
- koordinira i prati provođenje Strategije i Akcionog plana, te daje mišljenja i preporuke za njihovo efikasnije provođenje, i
- u saradnji sa drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljenе krivičnim djelom.

Agencija poslove iz svoje nadležnosti obavlja samostalno u granicama ovlaštenja utvrđenih Zakonom i drugim propisima, te u okviru raspoloživih finansijskih sredstava i odobrenog broja izvršilaca od strane Vlade Federacije.

3. RUKOVOĐENJE I ORGANIZACIJA AGENCIJE

Rukovođenje Agencijom je utvrđeno u članu 26. stav (2) i (3) Zakona, dok su ovlasti direktora, poslovi organizacionih jedinica i ostala pitanja vezana za organizaciju, upravljanje i rukovođenje organizacionim jedinicama utvrđeni Pravilnikom o unutrašnjoj organizaciji Federalne agencije za upravljanje oduzetom imovinom na koji je Vlada Federacije dala saglasnost Odlukom V. broj: 1092/2015 od 27.08.2015. godine („Službene novine Federacije BiH“, broj 68/15), kao i drugim pravilnicima i aktima koji se odnose na radne odnose i cijelokupno funkcioniranje Agencije.

3.1. Rukovođenje

Po Pravilniku o unutrašnjoj organizaciji Federalne agencije za upravljanje oduzetom imovinom, rukovodna radna mjesta su:

- direktor Agencije;
- sekretar Agencije;
- pomoćnik direktora u Sektoru za preuzimanje i upravljanje oduzetom imovinom;
- pomoćnik direktora u Sektoru za analitičko-strateške poslove;
- pomoćnik direktora u Sektoru za edukaciju;
- pomoćnik direktora u Sektoru za pravne i opće poslove, i
- pomoćnik direktora u Sektoru za materijalno-finansijske poslove.

U ovom izvještajnom periodu popunjena rukovodna radna mjesta su direktor Agencije, koji rukovodi radom Agencije i vrši poslove utvrđene članom 28. Zakona, pomoćnik direktora u Sektoru za preuzimanje i upravljanje oduzetom imovinom i pomoćnik direktora u Sektoru za analitičko-strateške poslove koji rukovode organizacionim jedinicama i u tom pogledu imaju ovlaštenja koja su utvrđena u članu 21. Pravilnika o unutrašnjoj organizaciji Agencije.

3.2. Organizacija


Pravilnikom o unutrašnjoj organizaciji Agencije, predviđeno je da poslove i zadatke izvršava 40 uposlenika, organizovanih u pet organizacionih jedinica i to:

1. Sektor za preuzimanje i upravljanje oduzetom imovinom;
2. Sektor za analitičko-strateške poslove;
3. Sektor za edukaciju;
4. Sektor za pravne i opće poslove, i
5. Sektor za materijalno-finansijske poslove.



Grafikon 1: Organizaciona šema Agencije

Na kraju izvještajnog perioda poslove i zadatke u Agenciji obavlja 15 uposlenih, što je 37,5 % od ukupnog broja sistematizovanih radnih pozicija.



Grafikon 2: Procenat uposlenih u Agenciji

Svi poslovi iz nadležnosti Agencije koji su izvršeni u izvještajnom periodu su obavljani unutar navedenih organizacionih jedinica sa raspoloživim brojem uposlenika.

4. STRATEŠKI CILJ


Federalna Agencija za upravljanje oduzetom imovinom imovinom u skladu sa svojim nadležnostima ima za cilj održati vrijednost privremeno ili trajno oduzete imovine, koji se javlja kao imperativ u okviru postupka za oduzimanje imovinske koristi, gdje je naglašen princip „pažnje dobrog domaćina“.

Aktivnosti koje su realizovane u izvještajnom periodu, temelje se na Godišnjem planu rada Agencije za 2018. godinu, u okviru kojih je definisan jedan strateški cilj - **Povećanje učinkovitosti svih procesa koji su direktno ili indirektno vezani za proces upravljanja oduzetom imovinom u skladu sa legislativom i dobrom praksom Evropske unije.**

Ostvarenje ovog strateškog cilja su u izvještajnom periodu podržavale aktivnosti iz pet operativnih ciljeva, koji su vezani za nadležnost i aktivnosti organizacionih jedinica Agencije, i to:

1. Očuvanje vrijednosti privremeno oduzete imovine;
2. Učinkovito postupanje sa trajno oduzetom imovinom;
3. Provođenje analiza u području oduzimanja imovinske koristi pribavljene krivičnim djelom;
4. Unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona, kao i drugih pravnih subjekata u Bosni i Hercegovini, te uspostavljanje i unapređenje saradnje sa istim ili sličnim agencijama iz zemalja regije i Evropske unije, kao i kontinuirana edukacija uposlenika navedenih institucija koji su direktno u vezi sa procesom oduzimanja nezakonito stečene imovinske koristi, i
5. Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom.

Agencija je u izvještajnom periodu upravljala imovinom vrijednom cca. 15 miliona konvertibilnih maraka, a radi se o oduzetim novčanim sredstvima, dionicama, nekretninama, hotelu, studentskom domu, benzinskoj pumpi, motornim vozilima, građevninskom materijalu i drugo.



Grafikon 3: Struktura preuzete imovine kojom upravlja Agencija

Agencija je, u okviru svojih zakonskih ovlasti i obaveza i učinkovitog izvršavanja povjerenih poslova, u sklopu planiranog strateškog cilja i operativnih ciljeva za 2018. godinu realizovala sljedeće aktivnosti:

4.1. OPERATIVNI CILJ 1 – OČUVANJE VRIJEDNOSTI PRIVREMENO ODUZETE IMOVINE

Privremeno oduzetom imovinom upravlja Agencija nakon što nadleži sud doneše rješenje o mjeri osiguranja koje sadrži i mjeru privremenog oduzimanja imovine. U tom slučaju Agencija ima obavezu da takvu imovinu preuzme, izvrši njenu procjenu, te dostavi povratnu informaciju sudu koji je donio takvo rješenje.

Agencija nakon preuzimanja odmah donosi odluku koji je najbolji način čuvanja i upravljanja privremeno oduzetom imovinom, odnosno koji je najbolji način da se očuva njena vrijednost.

U skladu sa svojim nadležnostima Agencija je u izvještajnom periodu, po zaprimljenim sudskim odlukama, poduzela sljedeće aktivnosti na očuvanju vrijednosti privremeno oduzete imovine:

Upravljanje privrednim društvima

Postupajući po **Rješenju Kantonalnog suda u Sarajevu, br. 090K 026779 16 Kps od 12.01.2017. godine**, prema optuženim Bjelić Hasibu i Šarić Emiru u kojem su izrečene privremene mjere osiguranja imovinske koristi i to zabrana otuđenja i opterećenja osnivačkih udjela-osnivačkih kapitala privrednih društava **UMAX GROUP d.o.o. Sarajevo – benzinska pumpa, Emiran d.o.o. Sarajevo i Emiran Studentski dom - Univerzitetski hotel d.o.o. Sarajevo - hoteli**, Agencija je putem upravitelja imenovanih u navedenim društвima, nastavila svoje poslovanje na tržištu.

Kako je upravljanje privrednim društvima i očuvanje vrijednosti njihove vrijednosti najteži i najkompleksniji zadatak koji Agencija ima da ispuni, to se i svakodnevno susretala sa mnogobrojnim izazovima i najviše resursa trošila upravo na navedene aktivnosti.

Ovo prevashodno iz razloga što su ovo društva, u kojima postupci za dokazivanjem kriminalnih radnji u njima još traju, a Agencija ima obavezu da nastavi sa normalnim radom i održi poslovanje. Ovakva privredna društva u svojoj namjeni nisu osnovana da bi se bavila djelatnošću za koju su registrovani, nemaju jasno definisane vizije, misije, niti je njihov krajnji cilj stvaranja profita. Tokom analize poslovanja uvidjeli smo da je menadžment problem likvidnosti rješavao pozajmnicama od vlasnika društava dok mi kao državna Agencija nismo u situaciji da podržimo takav način poslovanja, a bez kredita, kako je teško biti konkurentan na tržištu. Također Agencija svojom poslovnom politikom nije predviđela dodatna opterećenja na imovini privrednih društava, upraviteljima društava je zabranjeno praviti bilo kakve nove zaloge, odnosno hipoteke na bilo kom dijelu imovine, jer cilj je da se kroz redovne prihode finansiraju tekuće obaveze i opravda postojanje društva.

U privrednim društvima zatečena je jako loša organizacija, loše funkcije finansijskih prava, marketinga, prodaje, kao i nestručni kadrovi koji su jako loše upravljali procesima rada, te prouzrokovali nesređena stanja posebno po pitanju poslovne dokumentacije.

Tako su i aktivnosti u prethodnom periodu bile fokusirane na to da se kompletno poslovanje društva „uveče“ u legalne tokove i da se svi procesi rada vezani za poslovanje organizuju na način da sve bude u skladu sa pozitivnim zakonskim propisima, a kada je u pitanju knjigovodstvo privrednih društava i u skladu sa Međunarodnim računovodstvenim standardima. Uloženi su veliki napori kako bi se knjigovodstvena stanja konsolidovala sa stvarnim stanjem i kako bi imali u bilansima stvarna stanja dugovanja i potraživanja.

Moramo naglasiti da smo se susreli sa ogromnim problemima zbog nepostojanja poslovne dokumentacije, te smo bili u obavezi iste usputno rješavati, a odnosile su se na obaveze iz perioda prije nego su privredna društva Agenciji povjerena na upravljanje: neriješenim izvodima otvorenih stavki dobavljača i kupaca, datim pozjamnicama prema fizičkim licima za koje ne postoje ugovori u arhivama privrednih društava, dugovanja prema dobavljačima o kojima ne postoji trag u okviru knjigovodstvene evedencije, potraživanja prema nepostojećim kupcima, nepostojanje stanja zaliha i neadekvatna evidencija istih, nepravilno vođenje knjigovodstvenih evidencijskih slično.

U prethodnom periodu mnogo se radilo na analizi dotadašnjeg poslovanja privrednih društava, situacije u kakvom se privredni subjekti trenutno nalaze, reorganizaciji kompletнnog poslovanja društva, uspostavljanju efikasnijih procesa rada, upravljanju ljudskim resursima, djagnosticiranju i rješavanju postojećih problema. Poseban fokus smo stavili i na jačanju funkcija prodaje i marketinga, vraćanju povjerenja kupaca i dobavljača, ponude šireg assortimenta roba koje bi vremenom dovele do povećanja profitne marge, te saniranja prije svega obaveza preuzetih iz ranijeg perioda kako bi se stabiliziralo poslovanje i redovno izmirivale tekuće obaveze.

Sa upraviteljima društava održani su mnogobrojni sastanci na kojima se raspravljalo o problemima u radu i pravilnom usmjeravanju resursa privrednih društava, a sve sa jednim osnovnim ciljem, da društva posluju pozitivno.

Kao rezultat toga u privrednim društvima su uvedeni novi poslovno-informacioni sistemi, urađene revizije poslovanja, sačinjeni interni pravilnici, uređena sistematizacija radnih mesta, potpisani ugovori o poslovnoj saradnji sa dobavljačima i precizirani uslovi poslovanja, uvedeni novi proizvodi u okviru assortimenta koje nude privredna društva i mnoge druge aktivnosti, a sve to u cilju normalizacije poslovanja i stvaranja preduslova da privredno društvo pozitivno posluje.

Zadatak Agencije prilikom upravljanja privrednim društvima pod privremenom mjerom osiguranja i jeste da ih održi u radu u smislu da im poslovni prihodi budu veći od poslovnih rashoda, da ista posluju u skladu sa zakonskim normama, da obaveze prema povjeriocima i državi budu redovno servisirane, čime se stvaraju ekonomski uslovi za nastavak poslovanja, što smo u izveštajnom periodu i postigli.

Upravljanje pokretnim stvarima

Agencija u okviru svojih nadležnosti, između ostalog, upravlja privremeno i trajno oduzetim pokretnim stvarima u skladu sa Zakonom. U tom smislu, u izvještajnom periodu Agencija je postupala po sljedećim rješenjima:

Rješenjem Kantonalnog suda u Sarajevu, br. 09 0 K 026779 16 Kps od 12.01.2017. godine prema optuženom licu Bjelić Hasibu, određena je privremena mjera osiguranja imovinske koristi pribavljene krivičnim djelom i to zabrana otuđenja, skrivanja ili raspolažanja pokretnom imovinom, putničkim motornim vozilom marke BMW X6. Istim rješenjem određeno je oduzimanje predmetnog motornog vozila i njegovo povjeravanje Agenciji na čuvanje i upravljanje. Predmetno motorno vozilo je u 2017. godini preuzeto i deponovano u skladište Agencije. Dana 02.02.2018. godine, Kantonalni sud u Sarajevu je svojim Rješenjem produžio privremenu mjeru osiguranja do 11.01.2019. godine.

U izvještajnom periodu, poduzete su aktivnosti usmjerene ka redovnom održavanju i provjeri ispravnosti motornog vozila.

Rješenjem Općinskog suda u Zenici, br. 43 0 K 151041 17 Kpp od 19.09.2017. godine, prema osumnjičenoj osobi Jašarević Almiru izrečena je privremena mjera osiguranja imovinske koristi pribavljene krivičnim djelom, a koja se sastoji od zabrane otuđenja, skrivanja, opterećenja ili raspolažanja motornim vozilom džip marke Ford. Istim mjerom određen je upis odgovarajućih zabilježbi zabrane u registar nadležnog Ministarstva unutrašnjih poslova, te povjeravanje na upravljanje predmetnog motornog vozila Agenciji. Vozilo je preuzeto i deponovano u skladište Agencije u Rakovici.

Rješenjem Kantonalnog suda u Bihaću, br. 01 0 K 013572 18 Kpp od 11.04.2018. godine, prema osumnjičenoj osobi Ponjević Adisu, određena je privremena mjera oduzimanja putničkog motornog vozila Volkswagen Polo, te je isto povjereno Agenciji na čuvanje i upravljanje uz zabilježbu zabrane otuđenja i opterećenja nad istim koju mjeru će provesti nadležno Ministarstvo unutrašnjih poslova. Vozilo je preuzeto i deponovano u skladište Agencije u Rakovici.

Rješenjem Općinskog suda u Zenici br 430 0 K 145779 17 K od 29.1.2018. a koje je postalo pravosnažno danom 05.02.2018. godine, određeno je da se izvrši povrat predmetnog motornog vozila Audi A6 i motocikla Gilera Nexus 300 vlasniku. U ovom predmetu je bila izrečena privremena mjera osiguranja imovinske koristi i to oduzimanje motornog vozila Audi A6 i motocikla Gilera Nexus 300. U 2017. godini navedena vozila su preuzeta i deponovana u skladište Agencije. Službenici Agencije su postupili u skladu sa predmetnim rješenjem izvršili povrat motornog vozila i motocikla vlasniku, o čemu je sačinjen zapisnik, a ovaj predmet okončan.

Osnovni zadatak Agencije u pogledu privremnog upravljanja motornim vozilima jeste očuvanje njihove vrijednosti, odnosno sprječavanje nastanka eventualne štete. Sva vozila koja se trenutno nalaze u skladištu Agencije, uredno su uskladištena, te se posredstvom ovlaštenih stručnih osoba vrši redovan pregled i održavanje motornih vozila.

Uzimajući u obzir činjenicu da motorna vozila svakim danom bez obzira na (ne)upotrebu gube na ekonomskoj vrijednosti, opravdanim se čini donošenje odluke o njihovoj prodaji ili davanju na korištenje, u svakom konkretnom slučaju. Međutim u tom pogledu, Agencija se susreće sa određenim poteškoćama.

Naime, član 17. stav (2) tačka b. Zakona propisuje da sud može donijeti sljedeću mjeru: „zabrana osumnjičenoj, optuženoj ili povezanoj osobi da otuđi, sakrije, optereti ili raspolaže pokretnom imovinom, oduzimanjem i povjeravanjem tih stvari na čuvanje Agenciji“. U tom smislu, sud u skladu sa citiranom odredbom povjerava Agenciji na čuvanje motorna vozila. Međutim, član 33. stav (1) tačka b. propisuje da Agencija može donijeti odluku o prodaji privremeno oduzetih pokretnih stvari (u konkretnom slučaju motornih vozila) ako prijeti neposredna opasnost od njihovog propadanja ili znatnog gubitka vrijednosti. Također, član 33. stav (2) propisuje da direktor Agencije može donijeti odluku da privremeno oduzete stvari iznajmi u skladu sa njihovom namjenom.

Dakle, iako Zakon dozvoljava Agenciji da privremeno oduzetim motornim vozilima „upravlja“, odnosno da ista može iznajmiti ili prodati, problem predstavlja prenos vlasništva i registracija takvih vozila licima na koja se predmetna vozila prenose najmom ili prodajom.

Shodno navedenom, a u cilju prevazilaženja navedene problematike u vezi registracije oduzetih motornih vozila, Agencija je dana 14.05.2018. godine uputila akt Prijedlog na Nacrt Pravilnika o registraciji vozila broj: 02-05-563-1/2017 Ministarstvu komunikacija i prometa Bosne i Hercegovine, kao nadležnom organu koji je otvorio proces javnih konsultacija za donošenje novog propisa u pogledu registracije vozila. Predmetnim aktom predloženo je da se u izmjene Pravilnika uvrsti i postupak registracije vozila koja se privremeno ili trajno oduzimaju od osoba protiv kojih se vodi ili je okončan krivični postupak, a sve u svrhu provedbe samog Zakona.

Upravljanje nepokretnim stvarima

Agencija je u izvještajnom periodu upravljala sa tri nekretnine koje je nastavila izdavati zatečenim zakupcima. Sve zakupnine se na mjesecnom nivou uplaćuju na račun za posebne namjene Agencije, te iste, kao što je prethodno već konstatovano, ostaju deponovane na predmetnom računu do pravosnažne presude u pripadajućim krivičnim postupcima. I na ovaj način se postiže svrha kako privremene mjere tako i Zakona jer optužena lica, koja se terete da su nezakonito stekla predmetne nekretnine, ne mogu iz takvih “nezakonitih” nekretnina ubirati plodove istih, odnosno novčana sredstva u vidu zakupnina.

Osnovni zadatak Agencije prilikom privremenog upravljanja nekretninama jeste očuvanje njihove vrijednosti, što podrazumijeva i sprječavanje nastanka eventualnih šteta. Kako bi na najbolji mogući način sačuvala vrijednost nekretnina koje su joj povjerene na čuvanje, Agencija je potpisala ugovor sa specijaliziranim institucijama koje se profesionalno bave poslovima održavanja i osiguranja objekata, tako da su oštećenja ili umanjenja vrijednosti nekretnina, svedena na minimum.

Agencija je u izvještajnom periodu postupala po sljedećim rješenjima:

Rješenjem Kantonalnog suda u Sarajevu, br. 09 0 K 026508 17 Kpp 182 od 24.04.2017. godine, prema optuženim licima Delimustafić Aliji i dr., određene su privremene mjere osiguranja imovinske koristi pribavljenе krivičnim djelom i to zabrana otuđenja i opterećenja nekretnine i stvarnih prava upisanih na nekretnini koja se vodi u zemljišnim knjigama Općinskog suda u Sarajevu. Ista nekretnina je navednim rješenjem oduzeta i povjerena na čuvanje i upravljanje Agenciji.

Nekretninu na osnovu Ugovora o zakupu koristi pravno lice, a nadležni sud je odredio da u ugovorni odnos s Agencijom kao privremenim upraviteljem predmetne nekretnine, stupa zakupac koji je sa prethodnim vlasnikom, kao i osumnjičenim imao sklopljen Ugovor o zakupu. Po osnovu ugovora o zakupu, ugovorna strana, na račun za posebne namjene mjesečno uplaćuje iznos od 2.955,83 KM i ukupno je do sada uplaćeno 41.382,62 KM po osnovu zakupa nekretnine. Također, zakupac izmiruje redovne troškove komunalnih usluga, o čemu pismeno obavještava Agenciju.

Tokom upravljanja od strane Agencije, a i na zahtjev zakupca prostora, izvršeno je povećanje napona električne energije što u konačnici može povećati i vrijednost iste jer je omogućeno priključivanje dodatnih električnih aparata u objektu što do tada nije bio slučaj.

Rješenjem Kantonalnog suda u Sarajevu, br. 09 0 K 021547 17 Kv 34 od 14.07.2017. godine, prema optuženim licima Arslanagić Edinu i dr., određena je privremena mjera osiguranja imovinske koristi stečene krivičnim djelom i to u obliku oduzimanja nekretnine od optužene osobe i povjeravanja iste na upravljanje Agenciji. Riječ je o luksuznom stambenom objektu u Sarajevu, koji je u trenutku oduzimanja bio pod zakupom.

S obzirom na navedeno, Agencija je s istim zakupcem zaključila ugovor o zakupu nekretnine. Po osnovu ugovora o zakupu, zakupac uplaćuje na račun za posebne namjene mjesečni iznos od 11.000,00 KM, te je do sada ukupno uplaćeno 121.000,00 KM. Također, zakupac izmiruje redovno troškove komunalnih usluga o čemu pismeno obavještava Agenciju. Potpisana je i polica osiguranja od materijalne štete čime je nekretnina dodatno osigurana. U proteklom periodu na navedenoj nekretnini, u smislu održavanja, Agencija je intervenisala dva puta i to prilikom otklanjanja kvara na rashladnom sistemu objekta i prilikom kvara na kanalizacionoj cijevi i sistemu centralnog grijanja.

Rješenjem Kantonalnog suda u Bihaću br. 01 0 K 011929 17 Kpp 2 od 13. 10. 2017. godine, prema osumnjičenom licu Emdžadu Galijaševiću i dr., određena je privremena mjera osiguranja imovinske koristi pribavljenе krivičnim djelom, a koja se sastoji od oduzimanja nekretnine, poslovнog objekta u Bihaću, te povjeravanjem istog na čuvanje i upravljanje Agenciji. Agencija je potpisala ugovore o zakupu sa zakupcima koji su u prethodnom periodu koristili navedenu nekretninu (četiri poslovna prostora).

Po osnovu ugovora o zakupu, ugovorne strane, na račun za posebne namjene mjesečno uplaćuju iznos od 1.100,49 KM i ukupno je do sada, po osnovu zakupa nekretnine, uplaćeno 8.573,92 KM. Također zakupci izmiruju redovne troškove komunalnih usluga o čemu pismeno obavještavaju Agenciju.

Tokom snježnih padavina u zimskom periodu došlo je do oštećenja na krovu objekta koje je prijavljeno Civilnoj zaštiti Bihać, a na osnovu čega je ista formirala komisiju koja je na licu mjesta utvrdila štetu od vremenskih nepogoda i u narednom periodu očekuje se saniranje istih.

U vezi sa prethodnim rješenjem Kantonalni sud u Bihaću je **rješenjem br. 01 0 K 011929 18 Kpp 3 od 10.04.2018. godine** odbio prijedlog tužilaštva za određivanje privremene mjere osiguranja, a koji prijedlog je prethodnim rješenjem suda prihvaćen, te određene mjere po kojima je Agencija postupala. S obzirom da predmetno rješenje nije potpuno, odnosno ne sadrži nikakav nalog Agenciji za povratom predmetne nekretnine ili bilo kakav drugi nalog, odnosno prvo rješenje nije stavljen van snage, Agencija je dana 17.05.2018. godine poslala sudu dopis kojim se traži donošenje Rješenja u skladu s Zakonom o oduzimanju nezakonito stečene imovine krivičnim djelom u Federaciji Bosne i Hercegovine i koje će sadržavati nalog Agenciji za postupanjem. Do dana pisanja ovog izvještaja sud se nije očitovao na predmetni dopis Agencije.

U izvještajnom periodu, Agencija je uspjela održati vrijednost nekretnina starajući se o njima u skladu sa Zakonom i po principu dobrog domaćina.

Privremeno oduzeti novac

Sud u toku trajanja krivičnog postupka, u skladu s Zakonom, može radi osiguranja imovinske koristi za koju se sumnja da je stečena izvršenjem krivičnog djela, izreći i privremenu mjeru koja se ogleda u oduzimanju gotovog novca i njegove predaje Agenciji.

Gotov novac koji je privremeno preuzet, Agencija uplaćuje na račun za posebne namjene, te isti novac dok se ne doneše pravosnažna presuda, mora ostati deponovan na predmetnom računu. Naime, oduzimanjem gotovog novca, povjeravanjem istog Agenciji na upravljanje, te u konačnici deponovanjem istog na račun za posebne namjene, postiže se svrha kako mjere tako i samog Zakona. Na taj način eventualno potraživanje Federacije Bosne i Hercegovine prema, u budućnosti, osuđenom licu, je efikasno osigurano, te po izricanju pravosnažne presude, tako oduzeti novac će se uplatiti u Budžet Federacije Bosne i Hercegovine. Svrha mjere, u opisanom slučaju, jeste da optuženo lice ne može raspolagati predmetnim novcem, odnosno ne može izbjegći eventualnu finansijsku obavezu prema Federaciji Bosne i Hercegovine.

Agencija je u izvještajnom periodu postupala po opisanim sudskim odlukama:

Rješenjem Kantonalnog suda u Sarajevu, br. 09 0 K 021547 Kv 35 od 21.07.2017. godine, prema optuženim licima Šepo Hasanu i dr., određena je privremena mjera osiguranja imovinske koristi stečene krivičnim djelom i to u obliku oduzimanja gotovog novca u iznosu 105.500,00 EUR-a od optužene osobe i povjeravanja predmetnog novca Agenciji na upravljanje. Agencija je po preuzimanju gotovog novca isti uplatila na račun za posebne namjene.

S obzirom da je riječ o privremenoj mjeri, odnosno krivični postupak u ovom predmetu još nije pravosnažno okončan, predmetni novac se u ovom izvještajnom periodu i dalje nalazi deponovan na računu za posebne namjene Agencije. U ovom predmetu je u 2018. godini zaprimljeno Rješenje Vrhovnog suda Federacije Bosne i Hercegovine br. 09 0 K 021547 17 KŽ 8 od 09.02.2018. godine kojim je odbijena žalba optuženog izjavljena na Rješenje o određivanju privremene mjere osiguranja imovinske koristi pribavljeni krivičnim djelom.

Rješenjem Kantonalnog suda u Bihaću, br. 01 0 K 013572 18 Kpp od 11.04.2018. godine, prema osumnjičenim licima Adisu Ponjeviću i dr., određena je mjera osiguranja nezakonito stečene imovine krivičnim djelom i to oduzimanje gotovog novca u iznosu 3.310,00 EUR-a i 4.800,00 KM, te povjeravanje istog na čuvanje i upravljanje Agenciji.

Dana 26.04.2018. godine službenici Agencije su preuzeli predmetni novac, te isti na licu mjesta uplatili u poslovnici Union banke kod koje Agencija ima otvoren račun za posebne namjene. Novac će na predmetnom računu ostati do konačne odluke suda u ovom predmetu. O svim radnjama su sačinjeni odgovarajući zapisnici. S obzirom da je u ovom predmetu riječ o privremenim mjerama, isti je još uvijek u toku te će, ovisno o tome kad i kakvu sud donese pravosnažnu presudu, gotov novac postati ili vlasništvo Federacije Bosne i Hercegovine ili će se vratiti vlasniku.

Važno je istaći da Agencija, u skladu s Zakonom, ima propisana određena ograničenja, odnosno Agenciji nisu date operativne nadležnosti za oduzimanje imovinske koristi pribavljeni krivičnim djelom. Međutim, isti Zakon je propisao i obavezu državnih tijela, javnih službi i organizacija da pruže potporu Agenciji u svom radu.


S obzirom na navedeno, Agencija nije u mogućnosti izvršiti fizičko oduzimanje privremeno oduzete imovine, u konkretnom slučaju gotovog novca, od osumnjičenih, optuženih, osuđenih ili drugih povezanih lica. Agencija, u skladu s propisanim ovlaštenjima, može jedino izvršiti preuzimanje prethodno oduzetog gotovog novca od strane drugih organa ili institucija poput policije, tužilaštava ili sudova.

U samom početku svog rada, Agencija je zaprimala i takva rješenja, koja su se odnosila na oduzimanje raznih vidova pokretne imovine, a koja su sadržavala nalog Agenciji za izvršenje fizičkog oduzimanja takve imovine direktno od osumnjičenog, optuženog i drugih lica. No nakon održanih sastanaka, obuka, te naravno i pismene korespondencije, sudovi su prihvatali kako zakonske norme tako i stav Agencije, pa se u praksi dešava da Agencija vrši samo preuzimanje, a ne oduzimanje nezakonito stečene imovine.

U vezi sa prethodno iznesenim, a kad je riječ o gotovom novcu, do sada je praksa pokazala da se u svakom slučaju gotov novac, za koji se sumnja da je stečen na nezakonit način izvršenjem krivičnog djela, prvo oduzme od osumnjičenog, optuženog, osuđenog ili povezanog lica od strane policijskih organa, te deponuje u prostorijama suda ili tužilaštva, nakon čega Agencija predmetni novac, od navedenih institucija, preuzima. Činom preuzimanja gotovog novca od strane Agencije te zapisničkog evidentiranja istog, odgovornost za predmetni novac prelazi na Agenciju. S obzirom da službenici Agencije nemaju propisana posebna ovlaštenja već djeluju isključivo i samo u svojstvu državnih službenika, Agencija je, početkom 2017. godine,

zaključila Sporazum o saradnji sa Sudskom policijom Federacije Bosne i Hercegovine kojim je definisan obim saradnje i podrške koju će Sudska polica Federacije Bosne i Hercegovine pružati Agenciji prilikom izvršavanja sudske odluka koje se tiču oduzimanja i povjeravanja Agenciji na upravljanje nezakonito stečeno imovine krivičnim djelom. U skladu s predmetnim sporazumom, u dosadašnjem radu, sudska polica je pružala asistenciju Agenciji u kontekstu osiguranja sigurnosnog ambijenta izvršenja sudske odluke, ali i osiguranja službenika Agencija.

Nadalje, s obzirom da je Agencija do sad privremeno, na osnovu sudske odluke, preuzimala i značajnije iznose gotovog novca, postavljalo se pitanje kako postupati s predmetnim novcem i gdje ga držati dok se krivični postupak ne okonča. U tu svrhu, Agencija je otvorila račun za posebne namjene, na koji deponuje tako oduzet novac, ali i sredstva dobijena iz drugih izvora, a primjenom Zakona. S obzirom na prethodno navedena zakonska ograničenja, tj. nepostojanje operativnih nadležnosti prilikom oduzimanja gotovog novca, ali i nepostojanja posebnih ovlaštenja službenika Agencije prilikom izvršenja sudske odluke, nakon preuzimanja gotovog novca, ovisno o iznosu, pripadnici sudske policije zajedno s službenicima Agencije, vrše transport predmetnog novca do uplatnog mesta, odnosno banke. Na taj način sudska odluka se izvršava, a novac uplaćuje na račun posebnih namjena gdje ostaje sve do pravosnažne odluke suda o samom krivičnom djelu, te porijeklu datog novca. U slučaju da je optuženi proglašen nevinim, novac se istom vraća, a ako je oglašen krivim, novac se sa računa za posebne namjene uplaćuje u Budžet Federacije Bosne i Hercegovine.




Grafikon 4: Struktura privremeno oduzete imovinske koristi

Vrijednost imovine

Prilikom preuzimanja privremeno oduzete imovine sačinjava se zapisnik u koji se između ostalog unose podaci o imovini i stanju u kojem je preuzeta, kao i podaci o vrijednosti koja se oduzima. Na osnovu tih podataka možemo reći da vrijednost navedene imovine kojom je Agencija upravljala u izvještajnom periodu iznosi **13.791.060,73 KM.**

Vrijednost imovine kojom Agencija trenutno upravlja je sljedeća:

- vrijednost poslovnih udjela iznosi 6.171.863,08 KM;
- vrijednost nekretnina iznosi 7.100.000,00 KM;
- vrijednost automobila iznosi 130.627,25 KM;
- novac u iznosu od 108.810,00 EUR-a i 175.756,54 KM.



Grafikon 5: Vrijednost privremeno oduzete imovinske koristi kojom upravlja Agencija

Novac kojim Agencija privremeno upravlja nalazi se u banci na **računu posebnih namjena** kojim upravlja Agencija i trenutno se na računu nalazi novčani iznos od **388.570,40 KM**, od čega:

- gotov novac koji je odlukom suda oduzet i predat Agenciji (iznos od 217.613,86 KM)
- zakupnine od nekretnina koje su odlukom suda oduzete i povjerene Agenciji na upravljanje, a koje se izdaju pod zakup (170.956,54 KM).

4.2. OPERATIVNI CILJ 2 – UČINKOVITO POSTUPANJE SA TRAJNO ODUZETOM IMOVINOM

S obzirom na činjenicu da je Agencija prve predmete zaprimila početkom 2017. godine, koji se uglavnom odnose na privremene mjere osiguranja imovinske koristi, značajnije postupke trajnog oduzimanja imovine Agencija očekuje tek u narednom periodu. Prevashodno iz razloga što izrečene privremene mjere osiguranja imovinske koristi ostaju na snazi sve dok traje krivični postupak, a na kvalitet, količinu i brzinu donošenja sudske odluke u kojima će biti izrečeno trajno oduzimanje imovine, Agencija ne može, ali i ne smije uticati, jer kao upravni organ, Agencija nema ovlasti da utiče na rad pravosuđa, koje je po svojoj prirodi nezavisno.


Većina predmeta po kojima je Agencija do sada postupala odnosi se na privremeno oduzimanje nezakonito stečene imovine krivičnim djelom. U ovim slučajevima riječ je o krivičnim postupcima koji su još uvijek u toku, odnosno nisu okončani pravosnažnim presudama.

Iz svega navedenog proizilazi činjenica da, ukoliko se trenutni krivični postupci okončaju na način da optužena lica budu proglašena krivim, sva "zamrznuta i blokirana" imovina će postati trajno vlasništvo Federacije Bosne i Hercegovine. Sva novčana sredstva koja se nalaze na računu za posebne namjene kojim raspolaže Agencija, će u opisanom slučaju biti prebačena odnosno uplaćena u Budžet Federacije Bosne i Hercegovine.

Treba voditi računa o činjenici da bi bilo neprofesionalno prejudicirati ishode krivičnih postupaka u kojima se postupa i po odredbama Zakona, te da kompletna primjena istog od strane tužilaštava i sudova prati svoj jedan prirodni tok, kako od izricanja privremenih mjera osiguranja nezakonito stečene imovine krivičnim djelom, tako i u konačnici do izricanja pravosnažnih presuda o trajnom oduzimanju iste imovine.

Dakle u svim krivičnim postupcima koji su još u toku, a u kojima je primjenjen Zakon, te izrečena privremena mjera osiguranja imovinske koristi, postoji mogućnost da sva imovina koja je povjerena Agenciji na upravljanje, sva novčana sredstva koja su privremeno oduzeta i deponovana na račun za posebne namjene Agencije, sve zakupnine koje se uplaćuju na isti račun, postanu trajno vlasništvo Federacije Bosne i Hercegovine, te se, ovisno o vrsti imovine, odmah ili po prodaji iste dobijena novčana vrijednost uplate u Budžet Federacije Bosne i Hercegovine.

Navedenim će se predmetni postupci, te primjena Zakona, privesti svom kraju, te svrha istog biti postignuta.



Grafikon 6: Struktura trajno oduzete imovinske koristi

Presude proslijedene na postupanje Federalnom pravobranilaštvu

Agencija je u dosadašnjem radu zaprimila određeni broj presuda po kojima je za postupanje nadležno Federalno pravobranilaštvo. Naime, u tim predmetima, sudovi su pravosnažnim presudama utvrdili postojanje nezakonito stečene imovinske koristi koja nije određena u svom krajnjem obliku npr. kao nekretnina, novac, motorno vozilo i sl., te se kao takva ne može fizički oduzeti. Dakle, riječ je o novčanoj obavezi koju je osuđeno lice dužno izvršiti prema Federaciji Bosne i Hercegovine, odnosno Budžetu Federacije Bosne i Hercegovine.

U tim slučajevima, sud presudom ostavlja rok osuđenom licu da dobrovoljno izvrši svoju novčanu obavezu, odnosno uplati iznos utvrđen presudom u budžet Federacije Bosne i Hercegovine, te ako u tom periodu isti ne ispuni predmetnu obavezu, Federalno pravobranilaštvo je dužno i jedino ovlašteno podnijeti prijedlog za izvršenje na imovini osuđenog lica, kako bi se utvrđeno potraživanje Federacije Bosne i Hercegovine iz predmetne imovine namirilo.

U ovom slučaju treba voditi računa da je Zakon o oduzimanju nezakonito stečene imovine krivičnim djelom u Federaciji Bosne i Hercegovine izrčitio propisao da se ovakvo namirenje potraživanja Federacije Bosne i Hercegovine provodi isključivo na prijedlog Federalnog pravobranilaštva, te na osnovu Zakona o izvršnom postupku Federacije Bosne i Hercegovine. S obzirom na navedeno, nesporno proizilazi da je Zakon o izvršnom postupku Federacije Bosne i Hercegovine, u naplati ovakvog potraživanja, "lex specialis", te se isti mora dosljedno poštovati i primjenjivati.

U praksi navedeno podrazumjeva dugotrajan postupak pred izvršnim odjeljenjem nadležnog suda, te protek značajnog vremenskog perioda prije nego se potraživanje naplati. U praksi, može se desiti i da se potraživanje uopće ne naplati jer osuđeno lice, u hipotetskom, ali isto tako i realnom slučaju, ne posjeduje nikakvu imovinu iz koje bi se Federacija Bosne i Hercegovine naplatila. Ukoliko pretpostavimo da osuđeni raspolaže imovinom, postupak se može, zbog ulaganja dozvoljenih i propisanih pravnih lijekova odgovlačiti, ili upućivati na parnicu, također može doći i do otvaranja stečaja nad imovinom pravnog lica u kojem slučaju se sa izvršnim postupkom zastaje, a Federalno pravobranilaštvo u ime Federacije Bosne i Hercegovine, prijavljuje svoje potraživanje u sad već novom postupku.

Presudom Općinskog suda u Bihaću br. 170 K 000203 08 K od 26.03.2014. godine, prema osuđenom Senadu Kurtoviću, utvrđeno je da se od osuđenog pravnog lica Šipad bina d.d. Bihać, ima oduzeti nezakonito stečena imovinska korist u iznosu **876.543,36 KM**. Prema zadnjim raspoloživim informacijama nad pravnim licem u ovom slučaju, otvoren je stečajni postupak, te je Federalno pravobranilaštvo u skladu s zakonom, prijavilo potraživanje Federacije Bosne i Hercegovine. Prijava je inicijalno odbijena, no po žalbi Federalnog pravobranilaštva, predmet je vraćen na ponovno odlučivanje prvostepenom sudu.

Presudom Kantonalnog suda u Novom Travniku br. 060 K 007444 15 K od 11.06.2015. godine, prema osuđenim licima Sabit Šabanović i dr. utvrđeno je da se od osuđenih fizičkih lica ima oduzeti nezakonito stečena imovinska korist u iznosu **990,00 KM**. Federalno pravobranilaštvo je obavijestilo Agenciju da je od nadležnih organa (MUP i PIO) zatražena informacija o mogućim predmetima izvršenja, međutim osuđena lica nemaju na svoje ime registrovna motorna vozila, niti su korisnici penzije, odnosno nisu ni u radnom odnosu.

Presudom Općinskog suda u Tešnju br. 390 K 044573 16 K od 09.02.2017. godine, prema osuđenoj Grgić Gordani, utvrđeno je da se od osuđenog fizičkog lica ima oduzeti nezakonito stečena imovinska korist u iznosu **19.886,00 KM**. Kako osuđena osoba nije dobrovoljno izvršila upлатu predmetnog novčanog iznosa u Budžet Federacije Bosne i Hercegovine, stekli su se uvjeti da Federalno pravobranilaštvo pokrene prijedlog za izvršenje na imovini osuđene osobe kako bi se,

presudom utvrđeno potraživanje Federacije Bosne i Hercegovine namirilo. Zbog toga je Agencija predmetnu presudu dostavila Federalnom pravobranilaštvu kako bi isti poduzeli zakonom propisane aktivnosti, odnosno podnijeli prijedlog za izvršenje, što je i učinjeno.

Presudom Općinskog suda u Lukavcu br. 126 o K 187270 16 K od 17.07.2017. godine, prema osuđenim Suljkić Suadu i Suljkić Alisi, utvrđeno je da se od osuđenih fizičkih lica ima oduzeti nezakonito stečena imovinska korist u iznosu **8.172,66 KM**. U predhodnom periodu Federalno pravobranilaštvo je obavijestilo Agenciju da je na predmetnu presudu izjavljena žalba, te se iz tog razloga ista ne može izvršiti u kontekstu pokretanja izvršnog postupka. Po pravosnažnosti presude, a u skladu s Zakonom o oduzimanju nezakonito stečene imovine krivičnim djelom u Federaciji Bosne i Hercegovine, te Zakonom o izvršnom postupku Federacije Bosne i Hercegovine, pokrenut će se izvršni postupak na imovini osuđenih lica u cilju naplate potraživanja Federacije Bosne i Hercegovine.

Presudom Općinskog suda u Tešnju br. 39 o K 036138 14 K od 23.10.2015. godine, prema optuženoj Halilović Adviji, utvrđeno je da se od osuđenog fizičkog lica ima oduzeti nezakonito stečena imovinska korist u iznosu **32.301,74 KM**. Agencija se u više navrata obraćala Federalnom pravobranilaštvu sa zahtjevom za informacijama o stanju svih predmeta, uključujući i ovog, po kojima Federalno pravobranilaštvo postupa u kontekstu primjene Zakona. Do kraja izvještajnog perioda Agencija nije dobila odgovor u kojoj fazi izvršnog postupka je ovaj predmet.

U svih ovih pet predmeta riječ je o imovinskoj koristi koja se tek ima naplatiti kroz provedeni izvršni postupak pred nadležnim sudom u skladu s Zakonom o izvršnom postupku Federacije Bosne i Hercegovine. U tim predmetima, a u skladu s Zakonom o oduzimanju nezakonito stečene imovine krivičnim djelom u Federaciji Bosne i Hercegovine, Federalno pravobranilaštvo poduzima zakonom propisane aktivnosti u cilju prikupljanja podataka o imovini osuđenih fizičkih/pravnih lica, te po prikupljenim podacima pokreće prijedloge za izvršenje na takvoj imovini radi naplate potraživanja Federacije Bosne i Hercegovine utvrđenog pravosnažnim presudama.

U kontaktima koje je Agencija ostvarila sa Federalnim pravobranilaštvom, informisani smo da su isti poduzeli zakonom propisane aktivnosti, tako da u narednom periodu Agencija očekuje realizaciju navedenih predmeta, odnosno uplatu nezakonito stečene imovinske koristi u iznosu od **937.893,76 KM** u Budžet Federacije Bosne i Hercegovine.

Novčana sredstva uplaćena u Budžet Federacije Bosne i Hercegovine

Agencija je u izvještajnom periodu, zaprimila ispod navedene presude kojima je određeno trajno oduzimanje novčanih sredstava. Agencija je novčana sredstva preuzeila, te prvo deponovala na račun za posebne namjene, a potom uplatila u Budžet Federacije Bosne i Hercegovine. Kao što je ranije konstatovano, angažman Agencije ovisi isključivo o sudskim odlukama koje se Agenciji dostave na izvršenje.

U izvještajnom periodu postupano je po sljedećim presudama:

Presudom Općinskog suda u Tuzli br. 32 0 K 191708 14 K od 19.09.2016. godine, prema osuđenim licima, utvrđeno je da se od osuđenog pravnog lica Odbojkaški savez BiH ima oduzeti nezakonito stečena imovinska korist u iznosu **25.650,00 KM**. Riječ je o imovinskoj koristi stoga je po ovoj presudi postupalo Federalno pravobranilaštvo koje je poduzelo zakonom propisane aktivnosti, te postiglo dogovor s osuđenim pravnim licem o obročnoj otplati duga. Pravno lice je u toku 2017. godine vršilo otplatu duga što je i nastavilo u prvom kvartalu 2018. godine kroz uplatu posljednje 2 od dogovorenih 5 rata. O otplati cijelokupnog duga, početkom februara 2018. godine Agencija je obavijestila nadležni sud čime je predmet okončan.

Presudom Kantonalnog suda u Tuzli br. 03 0 K 017672 18 K od 19.04.2018. godine, prema osuđenom Pjanić Safetu, utvrđeno je da se od osuđenog lica ima oduzeti nezakonito stečena imovinska korist u iznosu **103.300,00 EUR-a**.

Federalna agencija za upravljanje oduzetom imovinom je dana 19.04.2018. godine zaprimila navedenu presudu, koja je s istim danom postala pravosnažna, te su službenici Agencije također istog dana preuzeli trajno oduzetu nezakonito stečenu imovinsku korist. Službenici Agencije su istog dana preuzeli navedeni novčani iznos, te izvršili uplatu istog u Budžet Federacije Bosne i Hercegovine u skladu s predmetnom presudom, te Zakonom. O svim navedenim radnjama sačinjen je zapisnik. Uplatom predmetnih novčanih sredstava u Budžet Federacije Bosne i Hercegovine ovaj predmet je okončan.

Presudom Općinskog suda u Gradačcu br. 28 0 K 065768 17 Kps od 06.02.2018. godine, prema osuđenom Prelić Peri, utvrđeno je da se od osuđenog lica ima oduzeti nezakonito stečena imovinska korist u iznosu **32.620,00 KM**.

Dana 13.06.2018. godine Agencija je zaprimila navedenu presudu koja je postala pravosnažna dana 07.03.2018. godine. Predmetni novac je u prethodnom periodu, tokom trajanja krivičnog postupka, oduzet od osuđenog lica te deponovan u prostorijama Kantonalnog tužilaštva Tuzlanskog kantona. Službenici Agencije su dana 18.06.2018. godine izvršili preuzimanje predmetnog novca iz prostorija prethodno spomenutog tužilaštva te su istog dana uplatili predmetni novac u poslovniči Union banke u Tuzli na račun za posebne namjene kojim raspolaže Agencija.

O navedenim radnjama sačinjen je Zapisnik o preuzimanju, te je Agencija za svoje potrebe dobila originalne primjerke platnog i blagajničkog naloga kao dokaze o izvršenoj uplati na račun posbnih namjena sa kojeg su sredstva naknadno prenesena u Budžet Federacije Bosne i Hercegovine.

Ostale pravosnažne presude

U dosadašnjem radu Agencija je zaprimila tri pravosnažne sudske presude kojima je određeno oduzimanje nezakonito stečene imovine, međutim, iz objektivnih razloga, novčana protuvrijednost te imovine nije uplaćena u Budžet Federacije Bosne i Hercegovine. Predmetne presude, kao i razlozi navedenog predstavljeni su kako slijedi:

Presuda Kantonalnog suda u Sarajevu br. 09 0 K 021547 16 K 2 od 12.12.2016. godine, kojom je utvrđeno da se od osuđenog fizičkog lica Arslanagića Izeta, trajno oduzimaju dionice koje su postale vlasništvo Federacije Bosne i Hercegovine. Agencija trenutačno ima s bankom/brokerom zaključen Ugovor o obavljanju brokerskih poslova kako bi se na burzi predmetne dionice, preko banke/brokera, mogle prodati, te nakon eventualne prodaje, dobijeni novčani iznos uplatiti u Budžet Federacije Bosne i Hercegovine.


Međutim, na osnovu informacija dobijenih od banke/brokera riječ je o dionicama koje nisu atraktivne, te se s istima ne trguje. Pored navedenog riječ je o malom broju dionica niske nominalne vrijednost. Vrijednost zaključenog ugovora s bankom/brokerom se ogleda u činjenici da će ista, ukoliko se u budućnosti trajno oduzmu utržive dionice, raditi na prodaji istih kako bi se dobijena novčana sredstva mogla uplatiti u Budžet Federacije Bosne i Hercegovine.

Presuda Kantonalnog suda u Tuzli br. 03 0 K 011879 14 K od 19.12.2014. godine, kojom je utvrđeno da se od osuđenih lica Numanović Nisveta i Elvedina, ima oduzeti nezakonito stečena imovina i to pokretne stvari različite vrste, te građevinski materijal. Zbog dvije raspisane javne prodaje koje nisu uspjele jer nije bilo zainteresiranih lica u 2017. godini, Agencija je iskoristila zakonske mogućnosti, te je potom izvršen poklon građevinskog materijala Savezu ratnih vojnih invalida Tuzlanskog kantona. U ovom izveštajnom periodu, točnije početkom januara 2018. godine, o navedenom poklonu obavješten je Kantonalni sud u Tuzli čime je ovaj predmet, barem u jednom svom dijelu priveden kraju.

Presuda Općinskog suda u Zenici br. 43 0 K 135584 16 K 7 od 22.12.2016. godine, kojom je utvrđeno da se od osuđenih lica Talić Amira, Ćuković Ivane i dr. ima oduzeti nezakonito stečena imovinska korist u obliku gotovog novca u stranoj valuti – ukrajinske grivnje. Kako je naime riječ je o takozvanoj „egzotičnoj“ kursnoj listi, nijedna finansijska institucija u Bosni i Hercegovini ne vrši konverziju predmetne valute. S obzirom da konverzija nije moguća, a jedini način konverzije jeste da se isti novac pošalje u obliku vrijednosne pošiljke u Ukrajinu ili da se pošalje putem ovlaštenih kurira, a isto nije isplativo zbog male protuvrijednosti predmetnog novca, donešena je odluka da se isti novac drži deponovan u sefu Agencije.

Ukoliko se u budućnosti stvore uvjeti za prodaju navedenih dionica i konverziju ukrajinskih grivnji u domaću ili neku utrživu valutu, Agencija će hitno i bez odlaganja pristupiti realizaciji navedenog, te dobijeni novčani iznos uplatiti u Budžet Federacije Bosne i Hercegovine.

U ovom izveštajnom periodu Federalna agencija za upravljanje oduzetom imovinom je postupala po sudskim presudama kojima je trajno oduzeta nezakonito stečena imovinska korist u vrijednosti od **1.202.078,55 KM.**



Grafikon 7: Vrijednost trajno oduzete imovinske koristi

U narednom periodu u slučaju trajnog oduzimanja drugih vrsta nezakonito stečene imovine, Agencija će slijedeći praksu Evropske unije, odnosno EU Direktive o zamrzavanju i oduzimanju prihoda i imovinske koristi ostvarene krivičnim djelima (2014/42/EU, 2014), u slučaju da nakon drugog kruga javna prodaja ne uspije, predložiti Vladi Federacije Bosne i Hercegovine donošenje odluke o postupanju s predmetnom imovinom modalitetom – korištenje ili poklon.

Naime, korištenje ili poklon oduzete imovine, odnosno ponovna društvena upotreba je jedan od preporučenih načina upravljanja oduzetom imovinom jer se time jača povjerenje građana u sistem krivičnog pravosuđa i javnu vlast, intezivniji angažman i učešće građana kroz saradnju sa vladinim institucijama.

Kod ovog modaliteta konkretni oblik oduzete imovine se predaje u vlasništvo i/ili posjed, odnosno na korištenje nevladinim i humanitarnim organizacijama, obrazovnim i zdravstvenim ustanovama i slično ili se sredstva od prodaje imovine usmjeravaju u neke specifične fondove, projekte ili konkretnе programe.

4.3. OPERATIVNI CILJ 3 – PROVOĐENJE ANALIZA U PODRUČJU ODUZIMANJA IMOVINSKE KORISTI PRIBAVLJENE KRIVIČNIM DJELOM

Prema članu 31. Zakona, jedna od nadležnosti Agencija je prikupljanje podataka o oduzetoj imovinskoj koristi pribavljenoj krivičnim djelima s ciljem obrade i analize tih podataka i informacija i uočavanja trendova u vršenju krivičnih djela iz kojih se pribavlja imovinska korist.

Prikupljanje podataka o privremeno i trajno oduzetoj imovinskoj koristi je bitan instrument procjene učinkovitosti same mjere oduzimanja te imovine, a njihovo prikupljanje i javno objavljivanje jedan od zahtjeva Evropske unije. Podaci o izvršenju sudskih presuda kojima je izrečena mjera oduzimanja imovinske koristi pribavljene krivičnim djelom predstavljaju jedan od najvažnijih segmenata statističkog prikupljanja i obrade podataka o postupcima za oduzimanje imovinske koristi pribavljene krivičnim djelom.

Kako su prethodna iskustva pokazala vrlo neujednačenu praksu, tj. metodologiju registrovanja, čuvanja i dostavljanja traženih podataka od strane sudova u Federaciji Bosne i Hercegovine, Agencija je u protekloj godini započela aktivnosti na izradi jedinstvene metodologije prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom.

Sačinjene su Smjernice o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom i pripadajući obrasci.

Svrha donošenja Smjernica o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom je iznaci i predložiti jedinstvenu metodologiju prikupljanja, obrade, analize i dostavljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom pred nadležnim sudovima u Federaciji Bosne i Hercegovine. Na taj način Agencija bi obezbjedila jedinstvenu, autentičnu i standardiziranu bazu podataka o sudskim postupcima u kojima je izrečena mjera privremenog ili trajnog oduzimanja imovinske koristi svih državnih i federalnih institucija. Ta baza podataka bi bila glavni izvor za sačinjavanje svih međunarodnih izvještaja, studijsko-analitičkih i naučnih radova, stručnih analiza i izvještaja Vladi Federacije Bosne i Hercegovine i Parlamentu Federacije Bosne i Hercegovine.

Agencija je u periodu januar - juni 2018. godine nastavila sa aktivnostima vezanim za izgradnju djelotvornijeg sistema prikupljanja, procjene, upoređivanja, analize i raspodjele prikupljenih podataka, u skladu sa jedinstvenom metodologijom za prikupljanje podataka, statističkih izvještaja i drugih informacija potrebnih za provođenje stručnih analiza iz nadležnosti Agencije.

U vezi sa navedenim, u izvještajnom periodu predstavnici Agencije su održali više radno-konsultativnih sastanka sa predstvincima Visokog sudskog i tužilačkog vijeća, koji ima najvažniju ulogu po pitanju vođenja Sistema za automatsko upravljanje predmetima (CMS) u kojem se, između ostalog, generiraju i podaci o ovoj vrsti sudskih postupaka tj. izrečenih mjeru u krivičnim postupcima.

Kao rezultat zajedničkog djelovanja na jednom od održanih sastanaka, predstvincima Agencije prikazan je završni dio urađenog aplikativnog dijela predmetnog softverskog modula (nadogradnja postojećeg CMS sistema). Nadogradnju, odnosno razvoj Modula za evidentiranje oduzete imovine stečene krivičnim djelom, u sklopu Sistema za automatsko upravljanje predmetima u sudovima i tužilaštvo (CMS/TCMS) provodi Odjel za IKT sekretarijata Visokog sudskog i tužilačkog vijeća.

Cilj nadogradnje ovog sistema je da osigura jednoobrazan i pravilan način postupanja od strane svih korisnika, u skladu sa pripadajućim ulogama. Namjera Agencije je bila da u ovom pogledu ostvari najveću moguću saradnju i zajednički pokuša unaprijediti metodologiju i općenito praksu evidentiranja i dostavljanja statističkih podataka u domenu oduzimanja imovinske koristi pribavljene krivičnim

djelom i time da pruži specifičan doprinos unapređenju rada cijelokupnog krivično-pravnog sistema u Bosni i Hercegovini.

Osim zajedničkih aktivnosti sa Visokim sudskim i tužilačkim vijećem oko nadogradnje CMS sistema u skladu sa Smjernicama, u izvještajnom periodu urađena je Analiza predmeta u kojima je izrečena mjera oduzimanja imovinske koristi pribavljene krivičnim djelom u Federaciji Bosne i Hercegovine u periodu od 01.01. – 31.12.2017. godine.

Agencija je nakon zahtjeva upućenih kantonalnim i općinskim sudovima, te nadležnim tužilaštvima u skladu sa pripadajućim obrascima Smjernica, za period od 01.01.2017. godine do 31.12.2017. godine, a koji su se odnosili na:

- a) zbirne podatke o radu suda;
- b) podatke o pojedinačnim postupcima u kojima je određeno oduzimanje imovinske koristi;
- c) podatke o privremeno oduzetoj imovinskoj koristi iz pojedinačnih postupaka;
- d) podatke o trajno oduzetoj imovinskoj koristi iz pojedinačnih postupaka, i
- e) podaci koji se odnose na prijedloge nadležnim sudovima u oblasti oduzimanja imovinske koristi pribavljene krivičnim djelom kojim se određuju privremene mjere radi osiguranja imovinske koristi pribavljene krivičnim djelom, pristupila objedinjavanju dobivenih statističkih podataka i izradi analize.

Nakon objedinjavanja analitičke građe uspostavljena je baza podataka sa parametrima navedenim u Smjernicama. Prilikom analize navedenih podataka uočeno je da je i dalje prisutan izvjestan problem koordiniranja i zajedničkog izvještavanja prema jedinstvenom cilju.

Veliki broj podataka koje je Agencija tražila, sudovi i tužilašta nisu dostavili iz razloga nepostojanja tih podataka u CMS sistemu. Takođe, prilikom analiziranja istih, utvrđeno je da i način izvještavanja o traženim podacima nije bio jednak.

Iz navedenog razloga, jedan od prioriteta rada Agencije u narednom periodu će biti nastavak aktivnosti vezanih za realizaciju nadogradnje postojećeg CMS sistema.

Podaci koji će biti dostupni po okončanju ovog softverskog modula poslužit će Agenciji u narednim godinama za izradu kvalitetnih strateških analiza, te prijedloga poboljšanja zakonskih i podzakonskih propisa u ovoj oblasti.

Da je ova problematika jako bitna govori i podatak da su na XVII savjetovanju iz krivičnopravne oblasti organizovanom od strane Udruženja sudija/sudaca u Federaciji Bosne i Hercegovine, na panelu pod nazivom „Oduzimanje imovinske koristi ostvarene krivičnim djelima“ učesnici upoznati sa uspostavom novoga modula u Sistem za automatsko upravljanje predmetima u sudovima (CMS). Učesnici savjetovanja prepoznali su značaj generiranja ove vrste podataka, te su podržali razvoj Modula za evidentiranje oduzete imovine stečene krivičnim djelom, u sklopu Sistema za automatsko upravljanje predmetima u sudovima i tužilaštvima (CMS).

4.4. OPERATIVNI CILJ 4 – UNAPREĐENJE SARADNJE I KOORDINACIJE IZMEĐU AGENCIJE, PRAVOSUDNIH ORGANA, POLICIJSKIH AGENCIJA I DRUGIH INSTITUCIJA KOJE IMAJU OBAVEZU DA POSTUPAJU PO ODREDBAMA ZAKONA, KAO I DRUGIH PRAVNIH SUBJEKATA U BOSNI I HERCEGOVINI, TE USPOSTAVLJANJE I UNAPREĐENJE SARADNJE SA ISTIM ILI SLIČNIM AGENCIJAMA IZ ZEMALJA REGIJE I EVROPSKE UNIJE, KAO I KONTINUIRANA EDUKACIJA UPORABLJENIKA NAVEDENIH INSTITUCIJA KOJI SU DIREKTNO U VEZI SA PROCESOM ODUZIMANJA NEZAKONITO STEĆENE IMOVINSKE KORISTI

Stručno obrazovanje i usavršavanje

Stručno usavršavanje državnih službenika i namještenika je zakonska obaveza koja ima za cilj da se državni službenici i namještenici stručno osposobe za efikasno i kvalitetno obavljanje svih poslova svog radnog mesta, kao i da se stalno stručno usavršavaju, te time povećavaju svoje kompetencije.

Stručno usavršavanje državnih službenika i namještenika, odnosno izgrađivanje i usavršavanje ljudskih kapaciteta se vršilo u skladu sa Programom i planom stručnog obrazovanja i usavršavanja državnih službenika i namještenika Agencije.

Tokom izvještajnog perioda, a na osnovu Programa i plana stručnog obrazovanja i usavršavanja, kao i učestvovanja u programima obuka koje su organizovali predstavnici međunarodnih institucija, uposleni u Agenciji su prisustvovali sljedećim radionicama, seminarima i obukama, i to:

Agencija je na osnovu prijedloga i inicijative Ministarstva sigurnosti Bosne i Hercegovine od 2017. uključena u realizaciju projekta IPA 2013 Twining projekat "Podrška borbi protiv pranja novca", čiji je cilj podizanje kapaciteta u Bosni i Hercegovini koji se odnose na prevenciju pranja novca i finansiranja terorizma, sa posebnim naglaskom na finansijske istrage. Tako su predstavnici Agencije u izvještajnom periodu učestvovali u sljedećim komponentama navedenog projekta:

- rezultat 3 – Uspostavljanje efikasnih struktura za oduzimanje i pljenidbu krivično stećene imovine. Ovaj rezultat će osigurati da pravni okvir, propisi i strukture povezane s borbotom protiv finansijskog kriminala i mjere za oduzimanje imovine, kao što je pljenidba, oduzimanje i konfiskacija (i upravljanje imovinom gdje je to moguće) na svim zakonskim nivoima u Bosni i Hercegovini bude u skladu sa zahtjevima Evropske unije.
- rezultat 4 – Keš kuriri, odnosno upoznavanje sa najboljim praksama iz Austrije u smislu graničnih kontrola gotovinskog novca, najboljim praksama u vezi sa saradnjom Ministarstva finansija, Poreske uprave i FOJ u Austriji i evaluacija postojećih mehanizama saradnje i razmjene informacija u pogledu novčanih kurira u Bosni i Hercegovini;

Predstavnici Agencije su takođe u izvještajnom periodu nastavili sa učestvovanjem u aktivnostima Ureda Ujedinjenih nacija za drogu i kriminal (UNODC) u okviru regionalnog programa „Mjerenje i procjena organizovanog kriminala na Zapadnom Balkanu“, te dijela projekta koji se odnosi na Misiju procjene dostupnosti podataka u Bosni i Hercegovini.

Tako su predstavnici Agencije prisustvovali Trećem sastanku Nacionalne tehničke grupe gdje je predstavljen Izvještaj o procjeni dostupnosti podataka – Izvještaj za Bosnu i Hercegovinu, u kojem je Agencija ocjenjena kao institucija koja ima spremne pokazatelje o podacima koji su predviđeni Misijom procjene dostupnosti podataka.

Jedna od izuzetno važnih i sveobuhvatnih misija u kojoj su učestvovali predstavnici Agencije u prethodnom periodu je i Misija stručne procjene o krivičnom postupku i organizovanom kriminalu Evropske komisije. Ova misija predstavlja dio aktivnosti koje provodi Evropska komisija u kontekstu priprema za Mišljenje o zahtjevu Bosne i Hercegovine za članstvo u Evropskoj uniji. Cilj misije je procjena kapaciteta nadležnih institucija u Bosni i Hercegovini za uspješnu borbu protiv korupcije, organizovanog kriminala, terorizma, pranja novca u svim fazama krivičnog postupka, od istrage do pravosnažne presude, uključujući i oduzimanje i upravljanje nezakonito stečenom imovinom. U izvještajnom periodu učesnici su dobili Izvještaj sa Misije stručne procjene o krivičnom postupku i organizovanom kriminalu u kojem su date nalazi i preporuke za postupanje. U preporukama nije bilo nikakvih primjedbi za Agenciju, što je dodatan pokazatelj da Agencija ispunjava Evropske standarde, te samim tim izrasta u jednu ozbiljnu i respektabilnu instituciju.

Osim navedenog, u organizaciji Udruženja sudija/sudaca u Federaciji Bosne i Hercegovine u Neumu je u održano XVII savjetovanje iz krivičnopravne oblasti „Aktuelna pitanja krivičnog prava u Bosni i Hercegovini – 25 godina reforme krivičnog zakonodavstva, prijeđen put i pogled naprijed“. U sklopu panela na temu „Oduzimanje imovinske koristi ostvarene krivičnim djelima“ aktivno učešće uzela je i Federalna agencija za upravljanje oduzetom imovinom sa temom „Upravljanje oduzetom imovinom nezakonito stečenom krivičnim djelima u Federaciji Bosne i Hercegovine: Izazovi i perspektive“.

Prisutni učesnici upoznati su sa dosadašnjim radom Agencije u domenu upravljanja oduzetom imovinom, sa posebnim osvrtom na izazove koje sa sobom nose različiti modaliteti upravljanja i vrsta imovine. Također, govora je bilo i o problemima na koje se nailazi prilikom izvršenja sudske rješenja o privremenom oduzimanju imovine, odnosno neophodnoj boljoj koordinaciji svih učesnika postupka.

Kako se na panelu osim prakse i izazova u upravljanju oduzetom imovinom govorilo i o rezultatima istraživanja u vezi sa primjenom ovog instituta u praksi, te uspostavi novoga modula u Sistemu za automatsko upravljanje predmetima u sudovima (CMS), doneseni su sljedeći zaključci:

- Istraživanja su pokazala da zbog brojnih razloga kao što su nedovoljno vrjednovanje rada tužilaca, poteškoća u upravljanju oduzetom imovinom, ograničenih pravosudnih kapaciteta u našoj zemlji postoji veliki nesrazmjer između broja postupaka u kojima je moguće izreći mjeru oduzimanja imovinske koristi i broja postupaka u kojima je ona zaista izrečena. Iz tog razloga potrebna su daljnja istraživanja primjene ovog pravnog instituta kako bi se uočili trendovi i zakonitosti;
- Kako se kod vrlo malog broja predmeta može zaključiti da je korist koja je predmetom oduzimanja zaista oduzeta istaknut je problem izvršenja naloženih mera, te je zaključeno da je potrebna bolja kapacitiranost, sposobljenost i koordinacija svih učesnika postupka (tužilaštvo, sud, Agencija, Sudska policija Federacije BiH);

- Jedan od zaključaka sa panela je bio i da je potrebno izvršiti izmjene Zakona o oduzimanju nezakonito stečene imovine krivičnim djelom F BiH na način da se omogući efikasnije obezbjeđenje privremeno oduzete imovine, te ravноправност u alternativama sa upravljanjem trajno oduzetom imovinom;
- Učesnici savjetovanja podržali su razvoj Modula za evidentiranje oduzete imovine stečene krivičnim djelom, u sklopu Sistema za automatsko upravljanje predmetima u sudovima i tužilaštima (CMS);
- Na kraju, jedan od zaključaka je bio i da je potrebno nastaviti rad na jačanju znanja i vještina djelatnika u ovoj oblasti putem obuka, specijaliziranih seminara i drugih oblika usavršavanja.

Takođe, u organizaciji Asocijacije za demokratske inicijative Sarajevo, Transparentnost Srbije i Centra za monitoring i istraživanje održan je seminar na temu "Finansijske istrage u predmetima krivičnih djela pranja novca", gdje su prisustvovali i predstavnici Agencije. Cilj seminara je poboljšanje saradnje i koordinacije između institucija nadležnih za provođenje finansijskih istraga, kao i institucija za provođenje zakona i agencija na državnom i regionalnom nivou.

Seminar se održava u okviru projekta „Jačanje kapaciteta istrage i krivičnog gonjenja u zemljama Zapadnog Balkana – finansijske istrage kao sredstvo za borbu protiv organizovanog kriminala i korupcije“, koji je finansiran od strane Ambasade Kraljevine Holandije.

Uposlenici Agencije su u skladu sa Programom i planom stručnog obrazovanja i usavršavanja državnih službenika u Agenciji za 2018. godinu u izvještajnom periodu prisustvovali i obukama koje su organizovane od strane Direkcije za evropske integracije, i to:

- IPA II – osnovni kurs i proces pripreme sektorskih planskih dokumenata 2018-2020;
- Regionalna politika Evropske unije;
- Uskađivanje zakonodavstva;
- Ekonomski politika Evropske unije, i
- Pravo Evropske unije, čime je kroz tematsku cjelinu vezanu za obuke iz oblasti evropskih integracija, stručno obrazovanje i usavršavanje državnih službenika nastavilo da pruža doprinos unapređenju rada i reformskim procesima javne uprave.

Osim navedenih obuka, uposleni u Agenciji su takođe učestvovali u implementaciji dokumenta Agencije za državnu službu Federacije Bosne i Hercegovine "Program obuke 2018. godine - Stručne specijalističke i opće obuke za državne službenike i namještenike" i „Program obuke za rukovodeće državne službenike“.

Stručne specijalističke i opće obuke za državne službenike i namještenike su namjenjene stručnom obrazovanju i usavršavanju državnih službenika i namještenika, kako bi se isti stalno stručno usavršavali i osposobljavali za efikasno i kvalitetno obavljanje svojih poslova, dok je svrha Programa obuke za rukovodeće službenike pružanje podrške rukovoditeljima u efikasnijem i efektivnijem obavljanju poslova, sticanjem novih i nadogradnjom već usvojenih znanja i menadžerskih vještina, posebno u oblasti strateškog, finansijsko-analitičkog i interpersonalnog upravljanja, a u cilju povećanja efikasnosti rukovodećih državnih službenika, većem nivou stručnosti, te unapređenju znanja, vještina i sposobnosti.

Osim navedenih, predstavnici Agencije su prisustvovali i na dvije regionalne konferencije, jedna u organizaciji Transparency International u BiH na temu "Kako najbolje upravljati javnim preduzećima" i druga u organizaciji Britanske ambasade i OSCE-a „Jačanje saradnje u oblasti povraćaja imovine”.

S obzirom na činjenicu na raznolikost obuka na kojima su prisustvovali uposleni u Agenciji, ojačani su kapaciteti Agencije jer se samo na takav način može osigurati uspostava sveobuhvatnog i efikasnog sistema za oduzimanje nezakonito stečene imovine krivičnim djelom, što je jedna od preporuka iz izvještaja o napretku Bosne i Hercegovine prema Evropskoj uniji za protekle godine.

Među-Agencijska Balkanska Mreža za Povrat Imovine (BAMIN)

Kako je upravljanje oduzetom imovinom relativno nova oblast kako u Bosni i Hercegovini tako i u zemljama u okruženju, jedan od ciljeva Agencije je i nastavak razvijanja međunarodne saradnje Agencije sa organizacionim oblicima u regiji koji su nadležni za preuzimanje i upravljanje oduzetom imovinom stečenom izvršenjem krivičnog djela, te međusobno upoznavanje njihovih predstavnika u cilju efikasnijeg, a ako za tim bude iskazana potreba i koordiniranog djelovanja.

S tim u vezi, Agencija je u toku 2017. godine postala član BAMIN mreže (Balkan Asset Management Inter-Agency Network). BAMIN mreža je formirana 2014. godine i sastoji se od vladinih agencija iz osam zemalja Zapadnog Balkana koje su odgovorne za upravljanje i raspolažanje imovinom koja je oduzeta od kriminalaca. Članice su: Albanija, Bosna i Hercegovina, Hrvatska, Kosovo, Makedonija, Crna Gora, Srbija i Slovenija.

Do kraja 2018. godine svoje članstvo u BAMIN-u su potvrdile Bugarska, Rumunija i Grčka, tako da će mreža obuhvatati jedanaest zemalja članica.

BAMIN mreža za cilj ima unapređenje međuagencijske saradnje u pogledu efikasnog upravljanja oduzetom imovinom stečenom izvršenjem krivičnih djela, njene eventualne prodaje ili povrata, te razmjene informacija o istom. U radu BAMIN-a učestvuju i zemlje posmatrači koje nisu sa područja Zapadnog Balkana, a koje svojim iskustvom doprinose razvoju boljih praksi u pogledu upravljanja oduzetom imovinom. BAMIN-om predsjedavaju agencije zemalja članica koje se na toj funkciji rotiraju svake godine.

U skladu sa BAMIN Uputstvom o istoriji, izjavama o namjeri, članstvu i funkciji, Agencija je kao član Upravne grupe BAMIN-a u izvještajnom periodu bila domaćin održavanja sastanka Upravnog odbora BAMIN-a, koji je održan u hotelu Emiran, kojim Agencija trenutno upravlja. Na sastanku se govorilo o razmjeni mišljenja i iskustava, kao i poboljšanju i unapređenju međunarodne i međuinstitucionalne saradnje svih tijela u regionu koja upravljanju sa imovinom koja se oduzima od organiziranog kriminala i drugih oblika kriminala.

Veliki pomaci su ostvareni u razmjeni informacija u različitim oblicima oduzimanja, preuzimanja i upravljanja različitim oblicima imovine bilo da se radi o nekretninama, poslovnim udjelima, privrednim subjektima, gotovom novcu, pokretninama, kao i drugim oblicima imovine.

Osim sastanka Upravnog odbora BAMIN-a koji je održan u Sarajevu, predstavnici Agencije su prisustvovali i regionalnoj konferenciji pod nazivom „Najbolje prakse i iskustva u segmentu oduzimanja i upravljanja oduzetom imovinom“.

Konferencija je održana 26. i 27. juna u Skoplju, Republika Makedonija, u organizaciji BAMIN-a i uz podršku Ministarstva pravde Republike Makedonije.

Cilj ovog godišnjeg sastanka BAMIN mreže, odnosno konferencije jeste razmjena najboljih iskustava između zemalja članica Europske unije, te članica BAMIN mreže, kao i usvajanje plana rada BAMIN-a za 2018. godinu.

Neke od tema kojima je posvećena posebna pažnja na konferenciji bile su skladištenje i prodaja oduzete imovine, te upravljanje oduzetim privrednim subjektima. Federalna agencija za upravljanje oduzetom imovinom je predsjedavala panelom upravljanja oduzetim privrednim subjektima. Učesnicima konferencije su se obratiti eksperti iz Belgije, Bugarske, Irske, Nizozemske i Ujedinjenog Kraljevstva Velike Britanije i Sjeverne Irske koji su takođe održali prezentacije i prenijeli svoja iskustva, ali i izazove u formiranju i radu agencija za upravljanje oduzetom imovinom iz perspektive Europske unije.

Također jedna od ključnih tema konferencije je bila unapređenje međudržavne i međuagencijske saradnje na Zapadnom Balkanu u pogledu upravljanja oduzetom imovinom stečenom izvršenjem krivičnih djela.

Ono što je bitno napomenuti jeste da će BAMIN mrežom u toku 2019. godine predsjedavati Federalna agencija za upravljanje oduzetom imovinom, te u skladu sa funkcijom nadgledati spoljašnju komunikaciju u ime Mreže, te godišnje aktivnosti BAMIN-a.

Agencija će takođe biti domaćin održavanja konferencije 2019. godine koja će uključivati trenutne članice BAMIN mreže, kao i pridružene buduće zemlje članice BAMIN mreže.

Osim toga, uposleni u Agenciji su nastavili saradnju sa agencijama iz regiona gdje su u redovnim kontaktima razmijenjivane informacije o oblicima oduzimanja, preuzimanja i upravljanja raznim oblicima imovine bilo da se radi o nekretninama, poslovnim udjelima, privrednim subjektima, gotovom novcu, pokretnom imovinom, kao i drugim oblicima imovine.

Kako je Agencija posljednja u regiji osnovana kao institucionalni oblik nadležan za preuzimanje i upravljanje oduzetom imovinom stečenom izvršenjem krivičnog djela, ocijenila je da su kontakti sa stručnjacima iz regije u ovoj oblasti i razmjena iskustava u dalnjem postupanju sa tom imovinom bili od velikog značaja za dostizanje standarda Evropske unije u ovoj oblasti.

Saradnja i provođenje projekata kroz međunarodno finansiranje

Krajem 2017. godine Agencija je uputila 10 zahtjeva za ruta mapu TAIEX-a preko Direkcije za evropske integracije, koja je generalni koordinator svih aktivnosti TAIEX-a za Bosnu i Hercegovinu. TAIEX (Technical Assistance and Information Exchange) predstavlja instrument Evropske komisije za tehničku podršku i razmjenu informacija, odnosno za pružanje kratkoročne tehničke pomoći novim državama članicama, te zemljama u procesu pristupanja Evropskoj uniji u oblastima preuzimanja zakonodavstva Evropske unije i njegovog provođenja u domaći pravni sistem. Početkom izvještajnog perioda Agencija je od TAIEX-a dobila povratnu informaciju za su zahtjevi opravdani i potpuni, međutim do kraja izvještajnog perioda nisu došle konačne informacije koji projekti će biti prihvaci na realizaciju.

U ovom dijelu, posebno želimo istaći nastavak saradnje sa Ambasadom Sjedinjenih Američkih Država, koji su zainteresovani za finansiranje projekata koje Agencija nije u mogućnosti finansirati uslijed nedostatka finansijskih sredstava.

Sastanci ovakve vrste će se održavati i u budućnosti u cilju dobre saradnje i efikasnijeg rada kada je u pitanju primjena Zakona i rad Agencije.

Saradnja između Agencije i drugih institucija

S obzirom na to da je Agencija u prethodnom periodu ostvarila zavidnu saradnju sa svim sudovima i tužilaštvima u Federaciji Bosne i Hercegovine, te da su isti upoznati sa tim da je Agencija postala servis nadležnim sudovima i tužilaštvima u Federaciji Bosne i Hercegovine tokom provođenja postupaka za oduzimanje imovinske koristi pribavljene krivičnim djelom, kako tokom izricanja mera osiguranja i privremenog oduzimanja imovinske koristi, tako i nakon donošenja presuda o trajnom oduzimanju u skladu sa Zakonom, ta saradnja je dodatno učvršćena i u toku izvještajnog perioda.

S tim u vezi u izvještajnom periodu u Bihaću, Tuzli, Zenici i Novom Travniku su održani sastanci u kantonalnim tužilaštvima i kantonalnim sudovima tih kantona, gdje se sa glavnim kantonalnim tužiteljima i predsjednicima kantonalnih sudova razgovaralo o nastavku primjene Zakona o oduzimanju nezakonito stečene imovine krivičnim djelom u Federaciji Bosne i Hercegovine i međuinstitucionalnoj saradnji prilikom donošenja i provođenja odluka o oduzimanje imovinske koristi u skladu sa odredbama istog Zakona.

Isto tako je zaključeno da će se u budućnosti maksimalno sarađivati radi što kvalitetnije primjene ovog zakona u smislu adekvatnog provođenja odluka o oduzimanju nezakonitno stečene imovine krivičnim djelom.

Osim toga, predstavnici Agencije su održavali redovne sastanke sa predstvincima Sudske policije Federacije Bosne i Hercegovine, te vršili zajedničke pripremne aktivnosti i razmjenu operativnih informacija, kako bi u skladu sa ovlaštenjima i obavezama proisteklim iz sudske odluke, postavljeni zadaci bili realizovani u cijelosti i blagovremeno.

U izvještajnom periodu zaključen je Sporazum o saradnji sa Univerzitetom u Sarajevu – Institut za historiju.

U skladu sa navedenim sporazumom Agencija se obavezuje da će stvari od kulturne, historijske, umjetničke i naučne vrijednosti koje suđu trajno ili privremeno oduzme od osumnjičenih, optuženih, osuđenih ili povezanih osoba, ako za iste u sklopu svojih kapaciteta nije u mogućnosti obezbijediti adekvatno čuvanje i upravljanje, iste povjeriti na čuvanje i korištenje Institutu kao specijaliziranoj ustanovi.

Isto tako, u skladu sa Sporazumom Institut se obavezuje da će gore navedene stvari primiti od Agencije i sa istima postupati s pažnjom dobrog domaćina i u skladu sa njihovom namjenom.

4.5. OPERATIVNI CILJ 5 – INICIRANJE IZMJENA I DOPUNA ZAKONSKIH I PODZAKONSKIH AKATA I DONOŠENJE PROVEDBENIH AKATA KOJI NORMATIVNO RAZRAĐUJU PROCES ODUZIMANJA I UPRAVLJANJA NEZAKONITO STEČENOM IMOVINOM

Kako se Agencija u svom dosadašnjem radu susretala sa određenim izazovima, koji se ogledaju u nedostatku ili nedorečenosti zakonskih i podzakonskih propisa koji uređuju čuvanje, održavanje, korištenje ili ustupanje i druge oblike upravljanja sa različitim oblicima imovine, Agencija je u ovom izvještajnom periodu nastavila sa aktivnostima vezanim za izradu provedbenih akata.

Navedene aktivnosti se realizuju u cilju prevazilaženja problema, kako bi se upravljanje oduzetom imovinom u krivičnim postupcima odvijalo na efikasan i transparentan način, koji garantira zaštitu javnog interesa i odvija se u korist društvene zajednice.

S tim u vezi, Agencija je u izvještajnom periodu zajedno sa Agencijom za upravljanje oduzetom imovinom Republike Srpske, nastavila sa aktivnostima vezanim za učestvovanje u nastavku Projekta „Podrška Vladama Republike Srpske i Federacije Bosne i Hercegovine u borbi protiv korupcije“, koji provodi Britanska ambasada u Sarajevu, u okviru komponente broj 4 „Unapređenje oduzimanja imovinske koristi stečene korupcijskim i drugim krivičnim djelima“.

U okviru istog su u izvještajnom periodu održana dva sastanka Radne grupe za izradu procedura za upravljanje oduzetom imovinom, i to u Sarajevu 15 - 16. februara i na Vlašiću 25 - 26. aprila 2018. godine.

Na sastancima se raspravljalo o izvršenim izmjenama i dopunama na tekst procedura koje se odnose na upravljanje sa privremenom oduzetom imovinom, te mogućim rješenjima u domenu podzakonskih akata koji se tiču: preuzimanja, procjene, evidencije, prodaje, korištenja imovine, najma, zakupa, uništenja, vraćanja imovine kao i sprječavanja sukoba interesa prilikom upravljanja oduzetom imovinom.

Agencija je u izvještajnom periodu takođe okončala proces donošenja podzakonskih akata, u skladu sa Smjernicama za uspostavu i jačanje interne kontrole kod budžetskih korisnika („Službene novine Federacije BiH“, broj 19/05).

Tako su u izvještajnom periodu doneseni:

- Pravilnik o radnim odnosima;
- Procedure za signiranje pošte;
- Procedure i pravila korištenja, sigurnosti i zaštite podataka informacionog sistema;
- Pravilnik o načinu vođenja materijalno-finansijskog i računovodstvenog poslovanja;
- Pravilnik o naknadama za službena putovanja;
- Procedure za provođenje postupka javnih nabavki, i
- Kodeks poslovnog ponašanja državnih službenika i namještenika.

Osim navedenih, u izvještajnom periodu doneseni su i:

- Pravilnik o disciplinskoj odgovornosti namještenika;
- Pravilnik o načinu glasanja i odlučivanja komisije za javne nabavke;
- Program i plan stručnog obrazovanja i usavršavanja državnih službenika i namještenika, i
- Uputstvo o uvođenju u posao novouposlenih državnih službenika i namještenika.

Navedeni strateški ciljevi i aktivnosti Agencije u 2018. godini su u cijelosti bili usklađeni sa odobrenim finansijskim sredstvima u Budžetu Federacije Bosne i Hercegovine za 2018. godinu.

5. BUDŽET AGENCIJE

Budžetom Federacije Bosne i Hercegovine ("Službene novine Federacije BiH", broj 5/18) Federalnoj agenciji za upravljanje oduzetom imovinom za 2018. godinu odobreno je 721.900,00 KM.

Rashodi Agencije namjenjeni su za finansiranje plaća, doprinosa i naknada troškova zaposlenih, zatim tekućih izdataka i materijalnih troškova, te nabavku i održavanje stalnih sredstava.

Obezbeđenjem navedenih finansijskih sredstava stvoreni su uvjeti za pravilno i zakonito vođenje materijalnog i finansijskog poslovanja Agencije.

Pregled utrošenih sredstava iz Budžeta Agencije na dan 30. 06. 2018. godine

Rashodi i izdaci

Ekonomski kod	Opis	Izvršenje za period 1. 1 - 30. 6. 2018. (izražen u KM)
1	2	3
	UKUPNO RASHODI I KAPITALNI IZDACI	269.877
	UKUPNO RASHODI	269.877
6111	Bruto plaće i naknade	176.850
6112	Naknade troškova zaposlenih	25.922
6121	Doprinosi poslodavca	18.569
6131	Putni troškovi	1.778
6132	Izdaci za energiju	2.358
6133	Izdaci za komunikaciju i komunalne usluge	4.217
6134	Nabavka materijala i sitnog inventara	2.135
6135	Izdaci za usluge prevoza i goriva	3.211
6136	Unajmljivanje imovine, opreme i nemat. imovine	18.937
6137	Izdaci za tekuće održavanje	1.311
6138	Izdaci za osiguranja, bankarskih usluga i usl.pl.pr.	1.358
6139	Ugovorene i druge posebne usluge	13.231
	UKUPNO KAPITALNI IZDACI	0
8213	Nabavka opreme	0

6. RAČUN POSEBNIH NAMJENA KOJIM UPRAVLJA AGENCIJA

U operativnom cilju 4.1. – Očuvanje vrijednosti oduzete imovine naveli smo da se sav novac sa kojim Agencija privremeno upravlja, kao i zakupnine od nekretnina koje se izdaju pod zakup nalaze u banci na računu posebnih namjena kojim upravlja Agencija.

Račun posebnih namjena Agencija je otvorila kod Union banke d.d. Sarajevo, a na osnovu dobijenog Mišljenja Federalnog ministarstva financija broj: 07-14-4-1189/18 od 06.03.2018. godine.

Agencija u sklopu svojih ovlaštenja, a na osnovu primjene Zakona o oduzimanju nezakonito stečene imovine krivičnim djelom i sudskih odluka po kojima postupa, upravlja s privremenom i trajno oduzetom imovinom. Jedan dio imovine kojom Agencija trenutačno upravlja je i gotov novac koji je na osnovu sudskih odluka privremeno oduzet i povjeren Agenciji na upravljanje. Agencija uplaćuje taj novac na račun za posebne namjene.

Račun za posebne namjene je od izuzetne važnosti prije svega jer se na njega polažu novčani iznosi koji su privremeno oduzeti od vlasnika na osnovu sudskih odluka tj. rješenja o određivanju privremenih mjera, i koji na istom ostaju sve dok sud ne donese konačnu pravosnažnu presudu, od čijeg karaktera ovisi da li će predmetna novčana sredstva postati prihod Federacije Bosne i Hercegovine ili će se ista vratiti vlasniku. Deponovanjem predmetnih novčanih sredstava na račun posebnih namjena postiže se svrha Zakona tj. osiguranje novčanih sredstava radi osiguranja naplate potraživanja Federacije Bosne i Hercegovine eventualno utvrđenog naknadno donešenom pravosnažnom presudom.

Pored navedenog, na račun za posebne namjene, polažu se zakupnine koje plaćaju zakupci nekretnina koje su sudskim odlukama Agenciji povjerene na privremeno upravljanje.

Iz navedenog proizilazi da račun za posebne namjene služi kao svojevrsni depo gdje se, trenutačno, odlaže privremeno oduzeti novac, te prethodno navedene zakupnine i na njemu se trenutno nalazi novčani iznos od **388.570,40 KM**.

Konto	Valuta	Stanje	Stanje u KM
5301110800 (001)	KM	175.756,54	175.756,54
5301110800 (001)	EUR	108.810,00	212.813,86
UKUPNO:			388.570,40

Od ukupnog novčanog iznosa koji se nalazi na računu posebnih namjena kojim upravlja Agencija, iznos od **170.956,54 KM** se odnosi na zakupnine nekretnina koje Agencija izdaje pod zakup, dok su ostala sredstva povjerena na čuvanje i upravljanje Agenciji, kao privremena mjera osiguranja nezakonito stečene imovine krivičnim djelom.

Pregled mjesecne visine zakupnina za nekretnine koje su privremeno oduzete i povjerene Agenciji na upravljanje:

NEKRETNINA	IZNOS ZAKUPNINE
Ambasada Kraljevine Švedske	11.000,00 KM
„Amoniq“ d.d. Zenica	2.955,83 KM
Butik „Tea“	494,14 KM
Frizerski salon „Centar“	427,35 KM
Advokat Suljić Remzija	50,00 KM
Obrt „Zlatar Šehić Tenzil“	129,00 KM
UKUPNO	15.056,32 KM

Sva novčana sredstva koja se nalaze na računu za posebne namjene kojim raspolaže Agencija, će u trenutku kada se krivični postupci okončaju na način da imovina stečena krivičnim djelom bude trajno oduzeta biti uplaćena u Budžet Federacije Bosne i Hercegovine u skladu sa Pravilnikom o izmjenama i dopuni Pravilnika o načinu uplate javnih prihoda budžeta i vanbudžetskih fondova na teritoriji Federacije BiH („Službene novine Federacije BiH, broj 9/17“) pod stavkom „Novčana sredstva po osnovu primjene Zakona o oduzimanju nezakonito stečene imovine krivičnim djelom u Federaciji BiH – vrsta prihoda 723 143.

Broj: 01-05-369/2018
Sarajevo, 18.07.2018. godine

DIREKTOR

Kenan Kapo

